



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendivm Summæ Card. Toleti

Minucius, Genesius

Sammieli, 1613

De num horaru[m] Canon. c. 11.

urn:nbn:de:hbz:466:1-41701

Quid sit diuinum officium.
Cap. 10.

Ad sacerdotem sacrificium offerre, & diuinum officium recitare iure spectat. Diuinum autem officium est laus Dei voce expressa per Ecclesiæ institutionem determinata; Dicitur hora canonica, à tempore in quo haec laus habenda est, quia canones certa tempora statuerunt, & horas, quibus determinatae laudes sunt Deo exsoluendæ, & ob id ipsa Dei laus hora dicta est canonica. Dicitur etiam debere fieri vox quia ad hoc genus officii non satis est Deum laudare mente, sed vox articulata necessaria est, ita ut secus, non satisfiat præcepto.

De numero horarum Canonica-
rum. Cap II.

Horæ Canonicae, quæ diuinum dicantur officiū, septenario numero constant; Matutina videlicet, Prima, Tertia, Sexta, Nona, Vespера, & Completorium. Septem enim sunt hominis ætates, quibus omnibus laudandus est Dominus. Infantia, Pueritia, Adolescentia, Juventus, Virilitas, Senectus, & Decrepita ætas. Septem similiter sunt sancti spiritus dona. Septem mundi ætates, & septem horæ, quibus tota Christi passio completa est, & harum horarum mysterio prædictæ horæ Canonicae ab Ecclesia sunt institutæ, ut hiis carminibus docemur.

Matutina ligat Christum, qui
crimina purgat,

Prima replet sputis, dat causam

Tertia mortis,

Sexta cruci nectit, latus eius

Nona bipertit,

Vespera deponit, tumulo completa reponit.